

რა არის გამხსნელი საშუალებები ?

უმეტესი გამხსნელი საშუალებები ხანმოკლე ზემოქმედების მქონე ნივთიერებებია; მათ მიეკუთვნება წებოები, ბენზინი, აცეტონი, ლაქები და საყოფაცხოვრებო ქიმიის სხვა პროდუქტები. ისინი ორთქლდებიან ჰაერში. გამხსნელ საშუალებებს ძირითადად ყნოსავენ.



გაფრთხილება!

გამხსნელ საშუალებებს ძირითადად მოიხმარენ 12-16 წლის ახალგაზრდები. მათი მოხმარებისას სიკვდილიანობა უფრო მაღალია, ვიდრე სხვა ნარკოტიკული საშუალებებისას!

ყველა გამხსნელი საშუალება უხამიანია და შეუძლია სიკვდილი გამოიწვიოს!!!

გამხსნელი საშუალებების ზემოქმედება

გამხსნელი საშუალებების “კაიფი” საკმაოდ ძლიერია და დაახლოებით ნახევარი საათი გრძელდება

- შესუნთქვისას გრძნობ ეიფორიას, საგნები ხდება არარეალური. მომხმარებლები ამ “კაიფს” სწრაფ დათრობას ამსგავსებენ
- გულისცემა და სუნთქვა სუსტდება
- გეწყება თავბრუსხვევა
- გიჭირს დგომა და სიარული
- თავს აგზნებულად და ბედნიერად გრძნობ და ამ მიზნით თუ კიდევ განაგრძობ შესუნთქვას, შეიძლება ჰალუცინაციები დაგეწყოს თავს დაუმარცხლებლად გრძნობ. გგონია, რომ ყველაფერს გადაიტან, ამიტომ ხშირია თვითმკვლელობები ფანჯრიდან გადახტომის ან მანქანის ქვეშ შეგარდნის გამო.



გამხსნელი საშუალებების გამოყენება

გამხსნელ საშუალებებს სხვადასხვაგვარად იყენებენ, ათავსებენ ნაჭერში ან პარკში და შეისუნთქავენ ან პირდაპირ პირის ღრუში შეისხამენ, რამაც შეიძლება სუნთქვის უეცარი გაჩერება და სიკვდილი გამოიწვიოს!

გამოშვების ფორმები

თხევადი აირი (ბუტანი და პროპანი) ან სხვა სილიკონური ნივთიერებები და სანთებელებში.

გამხსნელი საშუალებები (ბენზოლი და ჰექსანი) შეიძლება შეიქმნას ლაქში, ასევე ლაქის მოსაცილებელ სითხეებში, მაგნიტის ნივთიერებებში და სხვა საშუალებებში.



წებო შეიცავს ტოლუოლსა და ჰექსანს



ხდები თუ არა გამხსნელ ნივთიერებებზე დამოკიდებული?

როდესაც თავს ანებებ გამხსნელი ნივთიერებების მიღებას, გჭირდება საშინელი მოთხოვნილება, კვლავ მიიღო იგი. სასურველი ეფექტის მისაღწევად კი სულ უფრო მეტი გჭირდება. ვინც ხშირად და სისტემატურად იყენებს ამ საშუალებებს, ვეღარ წარმოუდგენია სიცოცხლე მის გარეშე. თავის დანებების შემთხვევაში თავს იჩენს შიშის გრძნობა. თუ შენ პრობლემა შეგექმნა, **მიმართე ნარკომანთა საკონსულტაციო ცენტრს** (მისამართები იხ. გვ. 142-143)

გაფრთხილება!

ყველა გამხსნელი საშუალება შეიძლება იყოს ხანძრის გამომწვევი. ისინი შეიძლება ასევე ადვილად აფეთქდნენ!!!



სამართლებრივი მდგომარეობა

გამხსნელი საშუალებები არ ექვემდებარება კანონს. მათი ფლობა არ არის დასჯადი, რადგან მათ რიცხვში ძირითადად ისეთი საშუალებები შედის, რომლებიც ხშირად გამოიყენება ყოველდღიურ ცხოვრებაში.


- თუ შენ პოლიციამ წაგასწრო წებოს ან სხვა საშუალებების ყნოსვის დროს, შენივე უსაფრთხოებისათვის დაგაკავებენ
- თუ შენ გამხსნელი საშუალების გამოყენების შემდეგ ვინმეს ეშუქრები ან აგრესიულად იქცევი, შეიძლება ამისათვის დაისაჯო

რა ემართება ადამიანს?

ადამიანი კარგავს ორიენტაციას, ავზნებული და გაბრუებულია. ამ მდგომარეობაში ყველაფერია მოსალოდნელი. ხშირია ჰალუცინაციები, გაუფრთხილებლობით ხანძრის გაჩენა, სიკვდილის შემთხვევები და თვითმკვლელობებიც კი.

სერიოზულ საფრთხეს წარმოადგენს ასევე შხამები ან ტოქსინები, რომლებიც შედის გამხსნელ საშუალებებში. მათ შეუძლიათ სხვადასხვა დაავადებები გამოიწვიონ, განსაკუთრებით ღვიძლის, თირკმლებისა და გულის, რაც სიკვდილის მომასწავებელია.

გამხსნელი საშუალებები აძლიერებენ ადრენალინის გამოყოფას, ენერჯის მოზღვაება გულის მოქმედებას საკმაოდ აჩქარებს. ასეთმა უეცარმა ცვლილებამ შეიძლება გამოიწვიოს თავბრუსხვევა და სუნთქვის გაჩერება.



ძალიან საშიშია გამხსნელი საშუალებების შესუნთქვა! ნუ გარისკავ!!!

- ნურასოდეს შეისწურებ დეზოდორანტებს ან სანთებელას დამტენს პირდაპირ პირის ღრუში
- თუ რაიმე პრობლემები შეგექმნა, ყოველთვის დარჩი ხალხმრავალ ადგილზე, ვინმე დაგეხმარება ან დაგაწყნარებს
- ნუ გამოიყენებ გამხსნელ საშუალებებს სისტემატურად. მათი კვირაში ერთხელ გამოყენებაც კი საკმაოდ ბევრია
- მოერიდე ისეთ ქუჩებს, სადაც დიდი მოძრაობაა, მდინარეებს, ლიანდაგებს, სახლის სახურავებს
- ზედმეტად ნუ გადაიტვირთები. ყნოსვის შემდეგ ეცადე, არაფერი დამძლეული არ გააკეთო

მნიშვნელოვანია!
გაიტანე გამხსნელი საშუალება
ოთახიდან. გააღე კარები და
ფანჯრები და გაანიავე ოთახი!

რა მოსდევს გამხსნელი საშუალებების მიღებას?

გამხსნელი საშუალებების მიღების შემდეგ თავს იჩენს ფიზიკური და ფსიქიკური გვერდითი ეფექტები

- გამონაყარი კანზე - კანი, პირი და ენა გამომშრალი გაქვს
- ხშირია თავის ტკივილები
- წონაში დაკლება და კანკალი
- ღვიძლისა და თირკმლის ფუნქციის დარღვევა. ტოქსინები იწვევს სასიცოცხლო მნიშვნელობის ორგანოების ტოქსიკურ დაზიანებას
- მენსიერების დარღვევა
- ხასიათისა და გუნება-განწყობის მერყეობა
- აგრესიულობა
- დეპრესიები

თუ რაიმე პრობლემები შეგექმნა

შესაძლებელია შენი მეგობარი ხედავდეს საგნებს ან ესმოდეს საშიში ხმები, რომლებიც სინამდვილეში მის გარშემო არ არის. ეს ნიშნავს, რომ მას ჰალუცინაციები აქვს. დაარწმუნე იგი, რომ ეს სინამდვილეში არ არსებობს და მალე გაქრება. დარჩი მასთან, სანამ არ გაუვლის.

დამწვრობა - თუ შენს მეგობარს სერიოზული დამწვრობა აქვს, მაშინვე **დაურეკე სასწრაფოს!** მანამდე დამწვარ ადგილზე დაასხი ცივი წყალი და მოხერხებულად დააწვინე.

გულის წასვლა - თუ შენი მეგობარი სუნთქავს, დააწვინე ისე, როგორც ეს 134 გვ-ზეა ნაჩვენები.

დაურეკე სასწრაფოს!

აუცილებლად უთხარი ექიმს, რა მიიღო შენმა მეგობარმა. მხოლოდ ამას შეუძლია მისი სიცოცხლის გადარჩენა. იყავი მზად დაეხმარო შენს მეგობარს, თუ მან სუნთქვა შეწყვიტა (გვ.135).



თუ შენს მეგობარს გული წაუვიდა, მიაქციე ყურადღება მის სუნთქვას!